



THE TITULAR ROMAN CATHOLIC BISHOP OF PENANG DIOCESE OF PENANG

Catholic Diocesan Centre

290 Macalister Road, 10450 Georgetown, Pulau Pinang, Malaysia.

Tel: +604-2292761 / 2292742 Fax: +604-2285671

E-mail: trcb@pgdiocese.org / penangdiocese@gmail.com

Website: www.pgdiocese.org

21 April 2020

PKK/BDN/2020/04/037

Para Katekumen yang saya kasihi di dalam negeri Perlis, Kedah, Kelantan, Perak dan Pulau Pinang,

Per: Para Katekumen dalam Gereja Katolik

Sebagai Katekumen yang telah menyatakan keinginan dan hasrat hati kamu dihadapan Gereja untuk menjadi seorang Kristian serta menjalani pembentukan Katekatik dan kerohanian selama ini untuk mempersiapkan diri kamu bagi Sakramen Inisiasi, ingin saya kongsi beberapa informasi kepada kamu mengenai Katekumen dalam Gereja Katolik.

Tempoh Katekumen bermula dari waktu kamu menerima dan menyatakan hasrat kamu secara terbuka untuk disatukan dalam Gereja melalui pembaptisan sehinggalah kamu menerima Sakramen Pembaptisan nanti. Sebagai Katekumen, kamu mempunyai tempat yang istimewa dalam Gereja Katolik walaupun kamu belum menjadi ahli sepenuhnya sebagai umat Katolik.

Menurut undang-undang Gereja Katolik, dalam Hukum Kanon 206 § 1, tertulis dua sifat yang penting sebagai seorang Katekumen; **i) Hasrat / niat untuk menjadi Kristian DAN ii) Kehidupan Imanmu, harapan dan kasih**

Gereja senantiasa mengambil berat dan mempunyai kasih istimewa terhadap kamu, oleh itu membenarkan kamu untuk menerima Berkat dan tanda Sakramental mengikut Hukum Kanon 1170 dan diberi upacara tertentu bagi pengkebumian dibawah Hukum Kanon 1183 § 1. Ingin saya nyatakan bahawa sekiranya kamu sakit tenat atau dalam kecemasan, kamu boleh berhubung dengan penatua pihak Gereja atau para Paderi untuk mendoakan kamu dan berdoa bersama kamu, sekiranya keadaan mengizinkan.

Para Katekumen yang terkasih (Ahli yang Terpilih), ingin saya sampaikan Salam Paska, dan menjemput kamu pada masa ini, agar terus percaya bahawa dengan keinginan kamu yang sungguh, kamu telah pun menerima 'hasrat pembaptisan' itu. Sakramen Pembaptisan kamu, diikuti dengan Penguatan dan Ekaristi Kudus, akan dilaksanakan pada masa yang sesuai apabila kita bebas dari Perintah Kawalan Pergerakan (PKP) ini.

Saya berharap agar mesej ini akan memberikan keyakinan kepada kamu bahawa Gereja dan umat Allah, bersatu dengan kamu dalam Roh Kudus. Yakinilah selalu bahawa doa dan berkat saya senantiasa menyertai kamu.

'Jadilah murid-murid Harapan'

Ikhlas didalam Kristus,

Sebastian Francis

Rt. Rev. Sebastian Francis
Uskup P.Pinang

